

Cyngor Celfyddydau Cymru

Cylch Gorchwyl

Y Pwyllgor Cyfalaf

Gorffennaf 2025

Cylch Gorchwyl

Mae gwaith y Cyngor yn cael ei gychwyn, ei reoli a'i fonitro gan y Cyngor ei hun a chan gyfres o Pwyllgorau y mae'r Cyngor yn dirprwyo rhai pwerau penodol iddynt. Mae'r Pwyllgorau islaw'r Cyngor yn y strwythur Llywodraethu. Ar wahân i'r meysydd hynny lle mae'r Cyngor wedi dirprwyo tasgau diffiniedig a/neu awdurdod diffiniedig i weithredu, rôl cynghori sydd gan y Pwyllgorau. Maent yn adrodd i'r Cyngor ar berfformiad y gweithgareddau hynny sy'n dod o fewn cylch gwaith pob Pwyllgor. Bydd y Pwyllgorau hefyd yn dwyn i sylw'r Cyngor unrhyw faterion sy'n peri pryder, neu feysydd ar gyfer gwella.

Mae pedwar pwyllgor gyda grymoedd dirprwyedig:

- Y Pwyllgor Archwilio a Sicrhau Perygl
- Y Pwyllgor Cyfalaf
- Y Pwyllgor Adnoddau Dynol a Thâl
- Pwyllgor y Gymraeg, Diwylliant a Chydraddoldeb

Mae Pwyllgor y Gymraeg, Diwylliant a Chydraddoldeb yn ymgorffori gwaith y pwyllgorau blaenorol Cenedlaethau'r Dyfodol, Cydraddoldeb Strategol a'r Gymraeg gan sicrhau dull integredig a chydlynol o bob un o'r meysydd i ddatblygu a chynyddu pob un.

Mae hefyd un Grŵp – Iechyd a Diogelwch – sydd hefyd yn adrodd i'r Cyngor drwy ei gofnodion a'i Adroddiad Blynyddol sy'n mynd i'r Cyngor gan Gadeirydd y Grŵp, y Cyfarwyddwr Cyllid a Gwasanaethau Busnes.

Nodir cylch gwaith penodol y Pwyllgor hwn isod.

Mae Cylch Gorchwyl y Pwyllgor Cyfalaf yn cael ei adolygu a'i gymeradwyo gan y Cyngor bob blwyddyn. Cafodd y ddogfen hon ei hadolygu a'i chymeradwyo gan y Cyngor ym mis Gorffennaf 2025.

Rôl y Pwyllgor:

1. Cynghori'r Cyngor wrth iddo ddatblygu ei bolisi am bob agwedd ar ddatblygu cyfalaf gan gynnwys cynlluniau a blaenoriaethau ariannu
2. Argymhell grantiau cyfalaf i'r Cyngor.
3. Monitro ein cyfrifoldebau ar gyfer prosiectau allweddol, gan gynnwys y rhai y gallwn gyfrannu atynt.

4. Gwneud penderfyniadau o fewn ei awdurdod dirprwyedig fel y'i pennir gan y Cyngor.
5. Monitro prosiectau byw a chynghori'r Cyngor yn unol â hynny
6. Cydweithio hefyd â meysydd eraill yn y sefydliad gan gynnwys yr Uwch Dîm Arwain a grwpiau rhaglen/prosiect a thasg benodol i nodi a chynyddu meysydd cysylltiedig o waith a chynyddu eiriol ac ymgysylltu â rhanddeiliaid drwy gyhoeddi cyflawniadau. Ymhlith y grwpiau tasg mae meysydd strategol fel y Gymraeg, cydraddoldeb a chyfiawnder hinsawdd

Cadeirydd: Aelod o'r Cyngor

Penodir gan: Y Cyngor

Aelodau: 7 ar y mwyaf

Os oes swydd wag yn codi yng nghanol y tymor, neu'n dal i fod yn wag ar ôl hysbyseb agored, gellir cyfethol aelodau am weddill y tymor, hyd y cylch recriwtio nesaf.

Cworwm : 50% neu 3 aelod ar unrhyw adeg yn ystod y cyfarfod, y mae'n rhaid i un ohonynt fod yn aelod o'r Cyngor, pa un bynnag yw'r mwyaf

Penodir gan: Y Cyngor.

Atebolrwydd: Mae'r Pwyllgor wedi'i rwymo gan god moesegol y Cyngor fel y'i nodir yn y Cod Ymarfer Gorau. Mae'n ofynnol i'r aelodau lenwi ffurflen flynyddol i ddatgan buddiant a darparu diweddariadau os yw amgylchiadau aelod yn newid. Mae hefyd yn ofynnol i'r aelodau ddatgan unrhyw fuddiant ym mhob cyfarfod.

Os bydd gwrthdrawiad buddiant yn codi bydd y Cadeirydd yn gofyn i'r aelod adael y cyfarfod am gyfnod y drafodaeth ddilynol a'r penderfyniad. Fodd bynnag, rhaid i'r cyfarfod fod â chworwm o hyd er mwyn i benderfyniad gael ei wneud.

Cyfarfodydd: Hyd at chwe gwaith y flwyddyn. Mae dyddiadau'r cyfarfodydd i gael eu pennu ymlaen llaw ar gyfer pob blwyddyn.

Papurau: Caiff y papurau eu dosbarthu i aelodau'r Pwyllgor wythnos cyn y cyfarfod.

- Grantiau:** Mae'r Pwyllgor yn gwneud penderfyniadau ar grantiau hyd at £250,000
Mae'n argymhell i'r Cyngor benderfyniadau ar grantiau cyfalaf dros £250,000.
- Adrodd:** Bydd y Pwyllgor yn adrodd i'r Cyngor. Bydd yn rhoi diweddariad am ei waith yn ystod y flwyddyn mewn adroddiad blynyddol i'r Cyngor. Caiff y Pwyllgor ei gynghori yn bennaf gan swyddogion y Tîm Buddsoddi ac Ariannu, yn y Gyfarwyddiaeth Gwasanaethau Corfforaethol, y mae eu hadroddiadau'n cynnwys cyngor oddi wrth swyddogion o dimau eraill yn y Cyngor. Gall wneud argymhellion i unrhyw un o'r Pwyllgorau neu i'r Cyngor
- Cofnodion cyfarfodydd a chofnodion:** Caiff cofnodion cyfarfodydd y Pwyllgor eu darparu i gyfarfod nesaf y Cyngor. Mae'r holl bapurau a'r cofnodion cyfarfodydd dilynol yn cael eu ffeilio yn ffolder y Pwyllgor Cyfalaf yn system rheoli data a chofnodion electronig y Cyngor.
- Diweddarwyd:** Caiff y ddogfen hon ei hadolygu i wirio ei chywirdeb bob blwyddyn a chafodd y fersiwn hon ei chymeradwyo gan y Cyngor ym mis Gorffennaf 2025.